




Broj: 05-50-1-1715-8/16  
Sarajevo, 19. 7. 2016. godine

**PARLAMENTARNA SKUPŠTINA  
BOSNE I HERCEGOVINE**

**- Zastupnički dom -**

**SARAJEVO**



**PREDMET:** Odgovor na zastupničko pitanje, *dostavlja se*

Ministarstvo vanjske trgovine i ekonomskih odnosa, aktom broj: 01-1-50-1888-II-2/16 od 15. 7. 2016. godine, dostavilo je odgovor na pitanje koje je g. Safer Demirović, zastupnik u Zastupničkom domu Parlamentarne skupštine Bosne i Hercegovine, usmeno postavio na 31. sjednici ovog doma održanoj 15. 6. 2016. godine.

U pritvku prosljeđujemo Odgovor, radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*

Safer Demirović, poslanik u Predstavničkom domu Parlamentarne skupštine Bosne i Hercegovine, na 31. sjednici Predstavničkog doma postavio je ministru spoljne trgovine i ekonomskih odnosa BiH pitanje u usmenom obliku:

“Da li je bilo napretka u proteklom periodu u ispunjavanju uslova BiH prema Energetskoj zajednici i ako jeste koji su uslovi ispunjeni, odnosno šta je je još preostalo da BiH usvoji kako bi se ukinule sankcije zajednice prema BiH?”

Na istoj sjednici poslanik Safer Demirović je dobio usmeni odgovor ministra spoljne trgovine i ekonomskih odnosa BiH i zatražio da mu se dostavi i pisani odgovor.

S tim u vezi, ministar spoljne trgovine i ekonomskih odnosa BiH dostavlja sljedeći

### ODGOVOR

U proteklom periodu BiH je napravila nekoliko vrlo značajnih koraka u ispunjavanju preuzetih obaveza koje proističu iz Ugovora o Energetskoj zajednici, i to:

-1.januara 2015. godine je otvoreno maloprodajno tržište električne energije;

-Do kraja 2015.godine, tačnije do 31.12.2015. godine, kada je bio zvanični rok, prvi smo predali Energetskoj zajednici Nacionalni plan za smanjenje emisija štetnih gasova iz velikih ložišta – Termo elektrane, koji je Energetska zajednica ocijenila kao dokument vrlo dobrog kvaliteta;

-Savjet ministara usvojio je Nacionalni Akcioni plan za obnovljive izvore energije, koji je potom dostavljen Sekretarijatu Energetske zajednice, nakon čega je Sekretarijat 12. aprila 2016. godine zatvorio ovaj slučaj koji je vođen protiv BiH;

-Otpočelo je sa radom tržište balansne energije i nabavke pomoćnih usluga koje funkcioniše na tržišnim principima, jedan korak u kojem je BiH otišla dalje nego većina zemalja u regionu.

-Zatvoren je slučaj “državna pomoć”, otvoren zbog nefunkcionisanja sistema državne pomoći.

Obaveze koje su još preostale Bosni i Hercegovini, a čijim ispunjavanjem bi se stekli uslovi za skidanje uvedenih mjera se odnose na implementaciju Trećeg energetskog paketa (gasni sektor). Ministarstvo aktivno radi na ispunjavanju i ovog uslova, kao i na izradi Akcionog nacionalnog plana za energetske efikasnost.

-Radna grupu formirana od eksperata BiH institucija intenzivno radi sa ekspertima Sekretarijata EZ na izradi zakonske regulative u skladu sa zahtjevima Trećeg energetskog paketa za električnu energiju i gas.

-Rezultat dosadašnjeg rada je pripremljen Nacrt Zakona o regulatoru, prenosu i tržištu električne energije u BiH. Takođe smo u fazi definisanja ovlaštenja, vezano za gasni sektor, koja bi bila u nadležnosti Državne regulatorne komisije za energiju, a što će se regulisati takođe kroz navedeni Zakon sa korekcijom u njegovom nazivu, da se odnosi i na gas, ukoliko se postigne dogovor. Do sada je, za samo šest mjeseci, po ovom pitanju održano pet konferencija ministara i Sekretarijata Energetske zajednice u Neumu i Sarajevu.

Usvajanjem navedenog zakona stekli bi se uslovi da Energetska zajednica suspenduje mjere koje su protiv BiH donesene na ministarskom sastanku u oktobru 2015. godine u Tirani.